

ԵՐՎԱՆԴՅԱՆ ՀԱՅԱՍՏԱՆԻ ՏԱՐԱԾՔԸ (Մ. թ. ա. VI դար)

Պատմ. գիտ. թեկնածու Գ. Ա. ՏԻՐԱՅՅԱՆ

ԵՐՎԱՆԴՈՒՆԻՆԵՐԻ ԱՌԱՋԻՆ ԹԱԳԱՎՈՐՈՒԹՅԱՆ ԺԱՄԱՆԱԿԱՇՐՋԱՆԸ
(մ. թ. ա. VI դարի I կես)

Մ. թ. ա. VI դարի սկզբին Հայկական լեռնաշխարհի տարածքում ուրարտական տերությանը փոխարինելու եկավ հայկական թագավորությունը՝ Վերջինիս սահմանները մի շարք աշխատություններում տարբեր ձևով են որոշվում:

Հ. Մանանդյանի կարծիքով մ. թ. ա. VI դարում Արմենիան տեղադրվում էր հիմնականում Հայկական լեռնաշխարհի հարավում՝ Ծոփքում, Աղծնիքում, Վանա լճի հարավային կողմում, մասամբ՝ Կորճայքում, ինչպես նաև Եկեղյաց գավառում¹:

Գր. Ղափանցյանը ևս հայերին տեղադրում է հարավում, ուր նրանք իջել էին իրենց բնօրրանից՝ Փոքր Հայքից ու Բարձր Հայքից: Այստեղից՝ Աղծնիքից՝ Տիգրիսի արևմտյան ափունքների շրջանից, նրանք էթնոքաղաքական ճնշում էին գործադրում դեպի Միջագետք ու Ասորեստան: Նրանց այս ճնշումը կասեցրեց Դարեհ I-ը ու ստիպեց ուղղվել դեպի հյուսիս՝ Տավրոսից այն կողմ²: Սակայն փաստերը ցույց են տալիս, որ թագավորության սահմանները ավելի ընդարձակ են եղել՝ գրավելով ոչ միայն Հայկական լեռնաշխարհի ղգալի մասը, այլև դուրս գալով այդ լեռնաշխարհի սահմաններից:

«Եյուրոպեդիայի» մի շարք օբյեկտիվ տվյալներից հետևում է, որ հայկական թագավորությունը մի կողմից սահմանակից է եղել մարական թագավորությանը, իսկ մյուս կողմից՝ խալդայական ցեղախմբին³: Խալդայների խալդայական երկրի տեղադրման հարցը հանդիպում էր դժվարությունների, քանի դեռ գիտության մեջ իշխում էր Լեման-Հաուպտի կարծիքը ուրարտացիների հետ նրանց նույնության մասին: Նմանօրինակ նույնացման թերությունները բացահայտեց Բ. Բ. Պիոտրովսկին, որը և պարզեց խալդայների պոնտական բնույթը⁴: Խալդայների կամ, հետևելով Ստրաբոնին (XII, 3, 19), խալիբների մոտավոր տեղադրումը հնարավոր է ժամանակագրորեն նրանց քիչ թիվ շատ մոտ կանդնած դասական հեղինակների, ինչպես նաև միջնադարյան աղբյուրների տվյալների օգնությամբ: Մեր օրերի պատմագիտությունը լեռնա-

¹ Հ. Մանանդյան, Քննական տեսություն հայ ժողովրդի պատմության, հատ. Ա, Երևան, 1944, էջ 43—44:

² Г. А. Кананцян, Хайаса—колыбель армян, Ереван, 1948, էջ 175, 208, 210, 252, 255: Նույնի՝ Հայոց լեզվի պատմություն, Երևան, 1961, էջ 42:

³ И. М. Дьяконов, История Мидии, М.—Л., 1956, էջ 355:

⁴ Б. Б. Пиотровский, Припонтйские халдеи и урарты, «Краткие сообщения ИИМК», V, 1940, էջ 5—10:

յին խաղաղայնեցիկ տարբերում է ծովային խաղաղայնեցից⁵։ Հնում նրանք հավանաբար կազմել են էթնիկական մի զանգված, որը ժամանակի ընթացքում տրոհվել է երկու մասի։ Ծովային խաղաղայնեցիկ հույն պատմագիրներից շատերը տեղադրում են հյուսիսային Փոքր Ասիայի արևմտյան մասերում, օրինակ՝ Հալիս գետից արևմուտք⁶։ Սակայն ավելի ստույգ, միմյանց հաստատող տվյալներից երևում է, որ նրանք բնակվում էին Կոտիորայից (Օրդու) արևելք, նրա ու Կերասունտի միջև։ Այստեղ, ապագա Փառնակիա քաղաքի շրջակայքում է հանդիպում նրանց Քսենոփոնը իր հռչակավոր նահանջի ժամանակ (V, 5, 3)։ Ծովային խաղաղայնեցիկ այդ նույն վայրում է տեղադրում Ստրաբոնը (XII, 3, 18)⁷։

Ինչ վերաբերում է լեռնային խաղաղայնեցիկ, որոնք հայերի անմիջական հարևաններն էին, ապա անտիկ պատմագիրների վկայությամբ նրանք բնակվում էին Փոքր Հայքի ու Բարձր Հայքի լեռներում և դրանց հարավային ստորոտներում։

Հույն պատմիչ Հեկատայոս Միլետացու մ. թ. ա. VI դարին վերաբերող վկայությունների համաձայն, հայերը խալիբներին սահմանակից էին հարավից («Ասիա», պատառիկ 203)։ Ինչպես դրում է Քսենոփոնը իր «Անաբասիսում», Փասիսի (Արաքսի) վերին հոսանքի մոտակայքում գտնվող հայկական դյուղերում հույները տեղեկանում են, որ ճանապարհը նրանց կրեթի խալիբների երկիրը, որը Արմենիայի հարևանն էր (IV, 5, 34)։ Շեղվելով այս ճանապարհից՝ հույները, անցնելով փասիանների երկրով, ուղղվում են դեպի հյուսիս-արևելք՝ տաոխների մարզը, որը, ինչպես երևում է նահանջի նկարագրությանից, հարևան էր խալիբների երկրին ամենայն հավանականությամբ արևմուտքից։ Խալիբների երկրով առաջ շարժվելով՝ հույները հասնում են Ճորոխի վերին հոսանքը, որը կազմում էր այդ երկրի սահմանը մի այլ ցեղի՝ սկյութների հետ։ Դիոդորոս Սիկիլիացին այս երկիրը կոչում է խաղաղական։

Արդեն վերը բերված մի քանի տեղեկություններից երևում է, որ խաղաղների երկիրը տեղադրվում է այնպիսի մի վայրում, որը հարավից հարևան է հայերին, իսկ արևելքից՝ տաոխներին՝ ապագա Տայքին։ Քիչ ավելի ուշ ժամանակաշրջանի, բայց կասկած չհարուցող տեղեկությունները թույլ են տալիս է՛լ ավելի ճշտելու նրանց զբաղեցրած տարածքի մոտավոր սահմանները։ Ստրաբոնի վկայության համաձայն (XI, 4, 5) խաղաղները ապրում էին նաև Բարձր Հայքի լեռների հարավային ստորոտներում, Արևմտյան Եփրատի վերին հոսանքում, Կարինում և Դերջանում, իսկ Պլինիոսի (NH, VI, 11—12, 29) և նույն Ստրաբոնի վկայության համաձայն՝ Փոքր Հայքի լեռներում, Պարիադրեսում ու նրանց հարավային ստորոտներում։

5 М. И. Максимова, Античные города юго-восточного Причерноморья, М.—Л., 1956, էջ 28—29.

6 նույն տեղում, էջ 28; Г. А. Меликишвили, К истории древней Грузии, Тбилиси, 1959, էջ 70.

7 Կան ուրիշ անտիկ հեղինակներ (օր՝ Ապոլլոնիոս Հոռոսցին), որոնք խալիբներին տեղադրում են տիրարեններից (այսինքն Կոտիորայից) արևմուտք (տե՛ս Г. А. Меликишвили, նշվ. աշխ., էջ 65, 70)։ Այդպես է վարվել Ս. Տրեմյանը «Հայաստանը հելլենիստական դարաշրջանում» քարտեզում (ՀՍՍՀ Ատլաս, Երևան, 1961, էջ 103)։ Քսենոփոնի ու Ստրաբոնի տեղեկությունները ավելի ծանրակշիռ են թվում։

Անտիկ պատմագիրների այս վկայությունները ավել կամ պակաս չափով իրենց հաստատումն են գտնում ինչպես ուրուրտական (օրինակ Ռուսա II-ի Աղլջևադի արձանագրություններում հիշատակվում է խալիտու խալդայական երկիրը)⁸, այնպես էլ հայկական տոպոնոմիկայում և վաղ միջնադարյան տեքստերում:

Այսպիսով պարզվում է, որ լեոնային խալդայ-խալիբները ապրում էին Հայաստանի հյուսիս-արևմտյան մասերում, Բարձր Հայքի ու Փոքր Հայքի լեոներում և այստեղ է, որ նրանք հարևան էին հայերին: Խալդայական մարզի մոտավոր սահմանը Եփրատի վերին հոսանքն է հարավից, Տայքը՝ արևելքից, Հորոխ գետը և մասամբ էլ նրանից այն կողմ ձգվող լեոները՝ հյուսիսից ու Գալլ գետի ակունքները՝ արևմուտքից:

Հայկական թագավորության հյուսիսային սահմանը տառիների երկրից շարունակվում էր հյուսիս-արևելյան ուղղությամբ և միանում Կուր գետին նրա միջին հոսանքի սկզբնական մասում: Դատելով Հերոդոտի մի շարք վկայություններից, մոտավորապես այս վայրերում են տեղադրվում սասպերները՝ իբերների նախնիները: Այդ վկայությունների համաձայն Կողքիսի ու Մարաստանի միջև ապրում է մի ժողովուրդ՝ սասպերները (I, 104, IV, 37): Շալիգելի առաջարկով այս տեղեկություններն իրավամբ ընդունված է վերագրել մարական կայսրության ժամանակաշրջանին (մ. թ. ա. VI դարի առաջին կես), երբ այդ կայսրությունը Հայկական լեոնաշխարհի ու Անդրկովկասի հյուսիսային շրջաններում իսկապես կարող էր սահմանակից լինել սասպերներին⁹: Գոյություն ունի և այլ, պակաս հավանական տեսակետ, որը որդեգրված է՝ վրաց պատմաբանների կողմից և որի համաձայն սասպերները զբաղեցրել են Կողքիսի ու բուն Մարաստանի միջև ընկած տարածքը, այն է՝ արևելյան Վրաստանը կամ հարավային Վրաստանը, ներառյալ Արաքսի վերին ու միջին հոսանքը¹⁰:

Ինչպես էլ որ հասկանանք Հերոդոտին, հաջորդ դարերում Հայկական լեոնաշխարհի այս հատվածներում դրությունը հիմնովին փոխվում է: Հայերի ու մեսիսների ճնշման տակ սասպերները ետ են մղվում և գուցե նույնիսկ երկու մասի տրոհվում: «Անաբուսիսում» Արաքսի վերին հոսանքից հյուսիս հիշատակվում են հեսպերիտները՝ պետք է կարծել նույն սասպերները, որոնք «Արևմտյան Հայաստան» կոչված վարչական միավորի մեջ էին մտնում: Սասպերների մյուս, արևելյան խմբերը մղվեցին Կուրից այն կողմ, դեպի հյուսիս-արևելք և այնտեղ կազմեցին վրաց ժողովրդի ու պետության հիմքը:

Պետք է ասել, որ հայկական թագավորության պայմանականորեն հյուսիսային համարվող այս սահմանը Դորոխ գետի ակունքներից մինչև Կուր գետի միջին հոսանքի սկիզբը մոտավոր է նաև այլ պատճառներով: Բանն այն է, որ դա, այնուամենայնիվ, էթնիկական սահմանագիծ չէր հայերի ու վերոհիշյալ ցեղախմբերի մեջ: Ուստի բացառված չէ և նույնիսկ հավանական, որ ուշ դարերի ներգրավումը Հայաստանի կազմի մեջ սկսվել էր մ. թ. ա. VI դարում,

⁸ Г. А. Меликишвили, Урартские клинообразные надписи, М., 1960, № 278, էջ 341—342. Հավանաբար խալդայներին սանձահարելու համար է, որ ուրարտացիները նրզնկայի դաշտում կառուցեցին Ալթրնթեփեի ամրոցը:

⁹ И. М. Дьяконов, *и др.* *арх.*, էջ 339:

¹⁰ Г. А. Меликишвили, К истории..., էջ 232:

Հայկական թագավորության օրոք: Խալդայների հպատակեցման դրվագները, որոնք Քսենոփոնը, իր քաղաքագիտական ու բարոյախոսական միտումներին հետևելով, վերագրում էր Կյուրոսին, արդյոք չե՞ն վերաբերում հայ թագավորներին, որոնք պետք է ձեռնարկեին այդ գործը: Խալդայների հպատակեցումը կամ թեկուղ և միայն հպատակեցման փորձը արվել էր արդեն ուրարտացիների օրոք. այդ երևում է Ռուսա II-ի Աղլջևաղի արձանագրությունից: Բնական է, որ մ. թ. ա. VI դարի հայ թագավորները, լինի դա Երվանդ Սակավակյացը, թե իր որդին՝ Տիգրան Երվանդյանը, պետք է աշխատեին տիրանալ Հյուսիսային լեռնաշղթաներին ու հպատակեցնել ցեղային մասնատվածության պայմաններում այնտեղ ապրող խալդայներին, տաոխներին, սասպերներին ու մյուս ցեղերին՝ պետության սահմանները աստիճանաբար ընդլայնելու հավակնությամբ:

Քսենոփոնի «Կյուրոպեդիայից» տեսնում ենք, որ Հայաստանին սահմանակից մյուս երկիրը Մարաստանն էր: Հայկական թագավորության հետ Մարաստանի սահմանները պետք է փնտրել Հայկական լեռնաշխարհի հարավարևելքում և հարավում: Բուն Մարաստանի հետ թագավորությունը սահմանակից էր Ուրմիա լճի շրջանում: Սակայն մարական տերության ծաղկման օրերին, երբ նրա կազմի մեջ մտան բազմաթիվ նոր երկրներ ու մարդեր, Մարաստանը սահմանակից էր Հայաստանին նաև նրա հարավից:

Հայաստանի հարավը, Տիգրիսից արևելք ու արևմուտք, բռնված էր մարական տիրույթներով: Բաբելա-մարական պատերազմի դրվագները ընդդեմ Ասորեստանի (մ. թ. ա. 614—605 թթ.) ու ասորեստանյան ժառանգության բաժանման հանդամանքները ցույց են տալիս, որ Մարաստանը ամրացավ ոչ միայն բուն Ասորեստանում, այլ նաև Հյուսիսային Միջագետքում. Տիգրիսից արևմուտք Մարաստանի սահմանը անցնում էր Խառանից հյուսիս՝ Տուր Աբդինի (Կաշշիարիի, Մասիուսի) լեռնաշղթայով կամ գուցե արևմտյան Տիգրիսով: 554—553 թթ. մարերը այստեղից դուրս մղվեցին նոր-բաբելացիների կողմից¹¹:

Տիգրիսից արևելք սահմանը Հայաստանի հետ որոշվում է դժվարությամբ, բայց արդեն այն հանգամանքը, որ Մարաստանի տիրապետության տակ էին գտնվում Ուրմիայի շրջանը մի կողմից ու Հյուսիսային Միջագետքը՝ մյուս կողմից, ցույց է տալիս, որ միջանկյալ Ասորեստանը ևս պետք է մտներ Մարաստանի կազմի մեջ¹²: Այստեղ սահմանը Հայաստանի հետ, դատելով Հայաստանի սահմանային լեռների մասին «Կյուրոպեդիայում» պահպանված ականարկներից, պետք է անցներ Կորդվաց աշխարհով կամ ծայրագույն դեպքում՝ Արևելյան Տիգրիսով՝ Զերմ գետով (Բոհտանսու):

Ուշագրության արժանի է, անշուշտ, նաև Մովսես Խորենացու (I, 30) մոտ պահպանված հիշատակությունը մարական գաղթավայրերի մասին Արաքսի հովտում՝ Արարատ լեռից մինչև Նախճավան ընկած տարածքում, որը, եթե չի վերաբերում Տիգրան II-ի ժամանակաշրջանին ու նրա անվան հետ առնչվող

11 Н. М. Дьяконов, *нзվ. աշխ.*, էջ 315—316, 356:

12 Բեհիսթունի արձանագրության տվյալներից երևում է, որ բուն ասորեստանյան հողերը (Արրեկիտիսը) մտնում էին Մարաստանի կազմի մեջ (Н. М. Дьяконов, *нзվ. աշխ.*, էջ 339): Ուր Մարաստանին կարող են պատկանած լինել Ուրմիայից արևմուտք ընկած տերիտորիաները երևում է նաև վաղ միջնադարյան հայ հեղինակների մոտ հիշատակված «Մարաց սամուր աշխարհի»՝ Ուրմիայից արևմուտք տեղադրությունից:

վերաբնակեցումներին, զույցե արտացոլում է մարական էթնոքաղաքական էքսպանսիայի մի կոնկրետ դրվագ¹³։ Ի. Դյակոնովի կարծիքով Մարաստանի հյուսիսային սահմանը կարող է անցած լինել Արաքսից հյուսիս, քանի որ այն ամփոփում էր իր կարծիքով այստեղ տեղադրված սկյութական թագավորության տարածքը¹⁴։

Պետք է, սակայն, նշել, որ տվյալ ժամանակաշրջանը բնութագրվում է էթնիկական ուժեղ փոխներթափանցումներով, որոնք պարտադիր չէ, որ համապատասխանեին քաղաքական հանդամանքներին։ Դրա վսու օրինակը հայկական ցեղերի առաջխաղացումն է դեպի հարավ, դեպի բուն Ասորեստանի տարածքը։ Այդ մասին է վկայում Ստրաբոնը ասելով, որ հայերի հնագույն պաղթավայրերը, Եկեղյացից բացի, Շուպրիայից տարածվում էին մինչև Ադիաբենե ու Կալաբենե։ Այդ առաջխաղացումը անկասկած կապված է մ. թ. ա. VII դարի վերջերի դեպքերի ու հատկապես՝ Ասորեստանի անկման հետ, որին, ըստ հայտնի ավանդության, մասնակցել էին նաև հայերը (Մովսես Խորենացի, I, 21)։ Այս կապակցությամբ պատահական չպետք է համարել թրակա-փոյուղական տարրի առկայությունը նույն այս հատվածներում, ի դեմս մուշկերի՝ հաղմուխիում (արդեն մ. թ. ա. XII դարում և ուլեի ուշ՝ մ. թ. ա. IX դարում) և Մոկրում (մոքսեններ), կամ դորդիենե ցեղանվանման մեջ պահպանված էթնիկական տարրի (Գորդի)¹⁵։

Հայկական թագավորության արևմտյան սահմանի այն հատվածը, որ ընկնում էր Մալաթիայից հարավ, Եփրատ գետին էր կազմում։ Այդ երևում է Հերոդոտի քիչ ավելի ուշ ժամանակաշրջանի տեղեկություններից, որոնց մասին կխոսվի ստորև։ Ուշադրության պակաս արժանի է անտիկ հեղինակներից Սոլինի վկայությունն այն մասին, որ նշված ժամանակաշրջանում Կիլիկիայի դերիշխանությունը տարածվում էր նաև Հայաստանի վրա, հետևաբար Եփրատը չէր կարող սահմանը լինել։ Եթե Սոլինի տեղեկությունը որևէ նշանակություն կարող է ունենալ, ապա միայն այն իմաստով, որ Կիլիկյան պետությունը ընդարձակվել էր անդրեփրատյան (Եփրատից արևմուտք), ապագա Փոքր Հայքի տերիտորիաների հաշվին։

Մալաթիայից հյուսիս սահմանն անցնում էր Եփրատից արևմուտք, իր մեջ առնելով առնվազն Փոքր Հայքի սպաղա տարածքը, որը, ոչ առանց հիմքի, համարվում է հայերի հնագույն բնօրրանը, հայերի կուտակման նախնական վայրը։ Այստեղ և Բարձր Հայքում էր ձևավորվել Հայաստ Ազգի հնագույն միավորը, որին փոխարինելու եկան հնդեվրոպական լեզվախմբի մի այլ ճյուղին պատկանող արմենները։ Մ. թ. ա. XII դարում սրանք, թրակա-փոյուղական մյուս ցեղերի կազմում, տարածվեցին Փոքր Ասիայում՝ պատճառ դառնալով իսթական թագավորության կործանման նրանց մի մասը շարունակեց

¹³ Ս. Տ. Երևմյանի կարծիքով այս մարերի տակ էարելի է հասկանալ Հերոդոտի մոտ հիշատակված մատեններին (տե՛ս Н. М. Дьяконов, *нзл. աշխ.*, էջ 353, ծան. 3)։

¹⁴ Н. М. Дьяконов, *нзл. աշխ.*, էջ 251, 261, 291—292, 339։ Սկյութական թագավորությունը Անդրկովկասում տեղադրելու փորձը անհավանական է թվում։ Թագավորությունը պետք է Ուրմիայի շրջանում փնտրել (Սակկըզի՝ *Ձիվիկի շրջապատում*)։

¹⁵ Н. М. Дьяконов, *Предыстория армянского народа*, Ереван, 1969, էջ 123—124, 200, 219։ Г. А. Меликишвили, *К истории...*, էջ 108, 109, ծան. 24։ Ս. Տ. Օրեմյան, Հայկական առաջին պետական կազմավորումները, «Պատմա-քաղաքական հանդես», 1968, № 3, էջ 92։

շարժվել դեպի արևելք ու մտնելով Հայկական լեռնաշխարհի տարածքը՝ հաստատվեց նրա հարավ-արևմուտքում, Շուպրիայում: Մյուս մասը հաստատվեց Փոքր Հայքում և Բարձր Հայքում: Անդրեփրատյան այդ մեծ տարածքում արմենների գոյության մասին փաստերը, ինչպես ցույց է տվել Ս. Երեմյանը, բազմաթիվ են և որ կարևոր է՝ բազմաբնույթ:

«Իլիականի» տվյալների համաձայն Հալիսից հարավ, Կեսարիայից ոչ հեռու, Զևսի հրաշունչ լեռան ու Տյուփոն հրեշի առասպելի հետ առնչվող Արդեոս լեռան շրջապատում գտնվում էր արիմների բնակավայրը: Այս տվյալները իրենց զուգահեռներն ունեն նաև հայկական նյութերում: Հենց այստեղ, արիմների երկրում է տեղադրվում Պոոտին Արմենիան, ոչ թե առաջին, այլ նախնական Հայքը և նույն տեղում, Հրաշունչ լեռից ոչ հեռու տեղի է ունենում Արամի ու Տիտանյան Պայապիս Քաղեայի կռիվը¹⁶: Այստեղ հիմնադրվող քաղաքը՝ ապագա Կեսարիան, կոչվեց Մաժաք, հավանաբար փոյուզացի մուշկերի անունով:

Անդրեփրատյան այս նույն տարածքում էր գտնվում Թեգարամա թագավորությունը ասորեստանյան աղբյուրների Թիլ-Գարիմուն, որը վստահորեն տեղադրվում է Մալաթիայից հյուսիս-արևմուտք: Այս թագավորությունը ոչ միայն կապվում է հայկական իրականության հետ, ինչպես երևում է Աստվածաշնչից ու նրա մեկնիչների տվյալներից¹⁷, այլ ոմանց կարծիքով ուղղակի հոմանիշ է հայկական թագավորությանը (Տուն Թորգոմայ¹⁸), որը, ինչպես պարզվում է այս փաստից, իր արևմտյան սահմանները հաստատել էր Եփրատից բավական հեռու: Աստվածաշնչի Թոդարմուն հայկական իրականության մեջ դառնում է Թորգոմ և, որ կարևոր է, համարվում է Հայկի հայրը՝ մի անգամ ևս ընդգծելու համար Փոքր Հայքի նշանակալից դերը հայ պետականության ստեղծման և ընդհանրապես հայկականության հաստատման գործում¹⁹:

Մուշկերը դեռ երկար ժամանակ պիտի հիշատակվեն Եփրատից այն կողմ, օրինակ Կարքեմիշում:

Այստեղ, Անդրեփրատյան տարածքում մ. թ. ա. VII դարում թագավորություն է հիմնում ոմն Գորդիոսը, որի անվան փոյուզական ընդգծված ձևը թելադրել է տալիս, որ նա կարող էր Թոդարմայում հայ-փոյուզական քաղաքական միավոր հիմնադրել²⁰: Ամեն դեպքում արմեններից բացի, որոնց անունով Հալիսի ակունքի մոտ գտնվող լեռը կոչվեց արմենական կամ արմենների (Հերոդոտ, I, 72), այստեղ բնակվեցին աղգակից թրակա-փոյուզական այլ ցեղեր ևս²¹:

Փոքր Հայքում են հաստատվում ալիզոնները և օդոմանտները, որոնց թրակա-փոյուզական ծագումը հավանական է²²:

16 Ս. Ս. Երեմյան, Հայ ժողովրդի կազմավորման ընթացքը. «Պատմա-բանասիրական հանդես», 1970, № 2, էջ 39—45:

17 Ն. Ադոնց, Հայաստանի պատմություն, Երևան, 1972, էջ 311—312: Г. А. Кананцян, նշվ. աշխ., էջ 140—141, 153, 255: И. М. Дьяконов, История Мидии, էջ 314, ծան. 3:

18 И. М. Дьяконов, Предыстория..., էջ 183:

19 Г. А. Кананцян, նշվ. աշխ., էջ 234 և հաջորդ:

20 И. М. Дьяконов, Предыстория..., էջ 215, 228:

21 Ն. Ադոնց, նշվ. աշխ., էջ 313, 314: И. М. Дьяконов, Предыстория..., էջ 228:

22 Ալիզոններին Ադոնցը սկյութացիներ է համարում (նշվ. աշխ., էջ 315, 316):

Այս բոլոր տվյալները, ինչպես տեսնում ենք, խոսում են թե՛ հայերի ու նրանց ցեղակիցների էթնիկական տարածման և թե՛ նրանց քաղաքական իշխանության մասին, որը այստեղ, թագավորության արևմտյան մասերում համընկնում էր ոչ միայն Փոքր Հայքի, այլ նաև ապագա Առաջին (կենտրոնը՝ Սեբաստիա) և Երկրորդ (կենտրոնը՝ Մալաթիա) Հայքի տարածքի հետ, իր մեջ ամփոփելով ալդպիսով նաև Կապադովկիայի որոշ մասեր²³։ Պատահական չպետք է համարել այն հանգամանքը, որ դեռևս ուրարտացիներն են ձգտել տիրանալ անդրեփրատյան շրջաններին։ Հիշենք Սարգսր II-ի պայքարը Հյուսիսային Ասորիքի համար։ Տվյալ դեպքում կարևոր են թվում Ռուսա II-ի Ադրլ-չևսզի արձանագրության տվյալները հալիտու, Մուշկու և հաթե երկրների մասին, որոնք որոշ չափով կարող էին համընկնել ապագա Փոքր Հայքի տարածքի հետ²⁴։

Այս բոլորին պետք է ավելացնել այն հետաքրքիր հանգամանքը, որ մարական և պարսկական, ավելի ճիշտ՝ Աստիագեսի ու Կյուրոսի մարզային քաղաքականության համեմատումից երևում է, որ Հալիսից արևելք գտնվող հողերը, որոնք նվաճել էին մարերը Կիաքսարեսի օրոք, կառավարվում էին ոչ թե անմիջականորեն իր կամ իր հաջորդի, այլ հայ թագավորների կողմից, կամ նույնիսկ, ըստ որոշ կարծիքների, մտցվել էին հայկական թագավորության կազմի մեջ²⁵։ Միայն Կյուրոսի օրոք է, որ երբ Հալիսից այն կողմ նվաճված հողերի հաշվին ստեղծվեց կապադովկյան սատրապությունը կամ դասկիլեսական մարզը, վերահիշյալ տարածքը միացվեց նրան²⁶։

Հայկական թագավորության հյուսիս-արևելյան և արևելյան սահմանները ղփարուքյամբ են որոշվում, որովհետև աղբյուրներում այդ մասին տվյալներ համարյա չկան։ Ընդհանրապես շատ քիչ բան գիտենք Հայկական լեռնաշխարհի արևելյան մարզերի մասին այդ ժամանակաշրջանում, թե՛ էթնիկական, թե՛ քաղաքական տեսակետից²⁷։ Մեզ մնում է ենթադրել, որ հայկական թագա-

23 Г. А. Капанцян, *նշվ. աշխ.*, էջ 156։

24 Գ. Տ. Երեմյան, *Կիմերական ու սկյութական ցեղերի արշավանքները, «Պատմա-բանասիրական հանդես», 1968, № 2, էջ 109, ծան. 83*։ II. М. Дьяконов, *История Мидии*, էջ 320։ Ն. Ադունց, *նշվ. աշխ.*, էջ 315։ Անդրեփրատյան այս տարածքում դոյուքություն ունեցող էթնոքաղաքական իրավիճակը հաջող կերպով է ցույց տրված Ս. Երեմյանի «Եւրասիայի պատմությունը» քարտեզի վրա («Հայ ժողովրդի պատմություն, հատ. 1, Երևան, 1971»)։ Հայերի էթնոքաղաքական առկայությունը անդրեփրատյան այս տարածքում, ապագա Փոքր Հայքի և նրան հարակից շրջաններում, մեծ նշանակություն ունի ոչ միայն հայկական առաջին թագավորության, այլ նաև 13-րդ սատրապության ժամանակյան Հայաստան» ենթաշրջանի և նույնիսկ Փոքր Հայքի պատմության համար։ Այնուամենայնիվ, շնայած Հայաստանի տարածմանը Եփրատից այն կողմ, շեշտակիորեն դեպի արևմուտք, կարիք չկա ո՛չ մ. թ. ա. VI դարում և ո՛չ էլ դրանից հետո Հայաստանի (իսկ զա թագավորություն թե սատրապություն) ծանրության կենտրոնը այստեղ փնտրել։ Ուստի հայկական թագավորության նույնացումը նոր լեռնական Մելիդ (Մալաթիա) թագավորության հետ անհավանական է թվում, իսկ Մելիդ (Մալաթիա) քաղաքի նույնացումը 13-րդ հայկական սատրապության գլխավոր կենտրոնի հետ՝ անհամոզեցուցիչ (տե՛ս II. М. Дьяконов, *Предыстория...*, էջ 187—188, 228)։

25 II. М. Дьяконов, *История Мидии*, տե՛ս մարական տերության քարտեզը, էջ 337։

26 Նույն տեղում, էջ 344, 348, 356։

27 Ուրարտական պատմության գոյության օրերին կիրառվող վերաբնակեցման քաղաքականությունը չէր կարող շանդրադառնալ երկրի էթնիկական իրավիճակի վրա։ Այս տեսակետից հետաքրքիր են Արգիշտի I-ի իրագործած միջոցառումները՝ կապված հաթե և Սուպանի

վորության սահմանները տարածվում էին հեռուները՝ հասնելով մինչև Կուր գետը²⁸։

Նման ենթադրության համար մեղ հիմք են տալիս նախորդ ուրարտական ժամանակաշրջանի տվյալները, որոնք ի տարբերություն ընդունված կարծիքի, թույլ են տալիս փաստելու ուրարտացիների առկայությունը Սևանա լճից այն կողմ ոչ միայն լեռնային մասերում, այլ նաև Կուրի աջափնյա հարթավայրում։ Այժմ հետաքրքիր ու փաստացի տեղեկություններ կան, որոնք վկայում են, որ ուրարտացիները ոչ միայն ամուր պահել են իրենց ձեռքում Սևանի ավազանը, այլև երկու՝ հարավային ու հյուսիսային կողմերից շրջանցելով այն՝ հասել են ընդհուպ մինչև Կուր գետի հովիտը։ Մինչև վերջերս հայտնի էր, օրինակ, որ ուրարտացիները, նվաճելով Կիեսունի բնակավայրը (այժմյան Նախաշեն), չեն շարունակել իրենց հաղթարշավը լճից այն կողմ։ Սակայն Արգիշտի I-ի խորխորյան տարեգրության մեջ հիշատակվող Ալիշտու տեղանվան նույնացումը Աղստևի հետ թույլ է տալիս ուրարտացիներին հասցնել Սևանի լեռնանցքից այն կողմ, առնվազն Դիլիջանի և Իջևանի շրջանները²⁹։ Որ ուրարտացիները առաջ են շարժվել Աղստևի հովիտով, երևում է նաև հնագիտական պեղումների արդյունքներից։ Այսպես, Ղազախի մոտ գտնվող Սարըթեփե բնակավայրի պեղումների նոր մեկնաբանությունները ցույց են տալիս, որ ուրարտացիները ոչնչացրել են այստեղ գտնվող ուշերոնգեդարյան, վաղերկաթեդարյան բնակավայրը³⁰։ Խոսվում է, ոչ առանց հիմքի, ուրարտական արձանագրության գոյության մասին Սևանից այն կողմ, Փառխոսի լեռներում, ժամանակակից Խուշի (Խաչակապ) գյուղում³¹։ Հավանաբար Կուրի հարթավայր դուրս գալուց հետո ուրարտացիները տիրացել են արևելքից դեպի Սևան տարածվող լեռնաշխարհին ևս։

Դեպի անդրսևանյան, մերձկուրյան տարածքը ուրարտացիների մյուս ուղին ենթադրվում է Սևանի հարավային ափով, Թարթառի հովիտով։ Մեծ հետաքրքրություն է ներկայացնում այս տեսակետից Սարգուրի II-ի՝ Ծովակի (Չաղալու) արձանագրության մեջ հիշատակված Ուրտեխե երկրանվան նույ-

երկրներից Արարատյան դաշտ փոխադրվող բնակչության հետ, որը կարող էր հայախոս լինել (И. М. Дьяконов, Предыстория..., էջ 233)։ Բացի դրանից պետք է նշել, որ, ինչպես պարզվում է վերջին ուսումնասիրություններից, Հայկական լեռնաշխարհի արևելյան մարզերը ևս գտնվում էին թրակա-փոյուզական ցեղերի ազդեցության ոլորտի մեջ, մի հանգամանք, որը չէր կարող չարագացնել այս մարզերի հայացումը (տե՛ս Ս. Գ. Պետրոսյան, Թրակա-կիմերական ցեղերի միությունները Հայկական լեռնաշխարհում (մ. թ. ա. IV—V դդ.), «Պատմա-բանասիրական հանդես», 1977, № 1։ նույնի՝ Հին թրակյան էթնիկական տարրը հնագույն Վանանդում, ՀՍՍՀ ԳԱ «Լրաբեր» (հաս. գիտ.), 1977, № 8, և այլն)։

28 Ինչպես հայտնի է այդպիսին էր վիճակը նաև ավերի ուշ, օրինակ՝ Արտաշեսյանների ժամանակաշրջանում։ Տե՛ս А. III. Мпациканян, О литературе Кавказской Албании, Ереван, 1969, էջ 19 և հաջորդ։ А. П. Новосельцев, К вопросу о политической границе Армении и Кавказской Албании в античный период, «Кавказ и Византия», I, Ереван, 1979։

29 Տե՛ս Ս. Տ. Երևմյանի Ուրարտուի քարտեզը (ՀՍՍՀ Ատլաս, Երևան—Մոսկվա, 1961, էջ 102)։ Մ. Ա. Խորաշելյան, Էրեբունի բերդ-քաղաքի պատմություն, Երևան, 1971, էջ 189։

30 է. Վ. Խանդադյան, Մեծամոր, Երևան, 1973, էջ 57—58։

31 С. А. Есаян, Древняя культура племен северо-восточной Армении (III—I тыс. до н. э.), Ереван, 1976, էջ 215։

նացումը հայկական Արցախի հետ³²։ Ուրտեխեն անդրսևանյան այն երկրներին է, որ նվաճվել է Սարգսուրի II-ի կողմից։ Անդրսևանյան 19 երկրների նվաճման մասին է խոսում նաև Ռուսա I-ը, սակայն նրանց տեղադրման հարցը մնում է առկախ։ Հականն այն է, որ Զանգեզուրի ու Ղարաբաղի տարածքը զբաղեցրել են հետո ուրարտացիները ձգտել են դուրս դալ Կուրի հովիտը՝ նվաճելով Սարգսուրի II-ի արձանագրության մեջ հիշատակվող Տերիանի երկիրը Թարթառի միջին հոսանքում, միջնադարյան Տրտու գետի ավազանում, Արցախի և Ուտիքի սահմանագծում³³ և Գամիրա երկիրը Կուրի հարավային ափերին³⁴։

Հայկական թագավորության տարածքը, այդպիսով, հիմնականում համընկնում էր ուրարտական պետության տարածքի հետ և դրա արտապրմանը մենք հանդիպում ենք արեմենյան ժամանակաշրջանի արձանագրություններում³⁵։ Նրանցում Արմինա և Ուրարտու անունները համարժեք նշանակություն ունեն, ուստի Դ. Մելիքիշվիլու կարծիքը, որ Արմինայի տակ պետք է հասկանալ միայն ուրարտական արձանագրություններում հիշատակվող Արմե երկիրը, ժամանակակից Դիարբեքիքից հյուսիս, չի համապատասխանում իրականությանը³⁶։ Ինչպես տեսանք, հայկական թագավորության սահմանները, որոշ տեղերում պակաս (օրինակ, Ասորեստանի կողմում), որոշ տեղ ավելի (օրինակ, արևմուտքում) չափով, բայց ընդհանուր գծերով քիչ էին տարբերվում ուրարտական պետության սահմաններից։

ՀԱՅԱՍՏԱՆԸ ԿՅՈՒՐՈՍԻ, ԿԱՄԲՅՈՒՍԵՍԻ ՕՐՈՔ,
ԴԱՐԵՂԻ ԻՇԽԱՆՈՒԹՅԱՆ ԱՌԱՋԻՆ ՏԱՐԻՆԵՐԻՆ

Այս ժամանակաշրջանի Հայաստանի տարածքի հարցերը կարելի է որոշ չափով պարզաբանել՝ ելնելով Կյուրոսի մարզային քաղաքականությունից և Հայաստանի պատմության տվյալներից։

Բավական կարճ ժամանակամիջոցում Կյուրոսը ստեղծեց մի ընդարձակ կայսրություն, որի կազմի մեջ մտան այնպիսի նշանակալից պետություններ, ինչպիսին Մարաստանն էր, նոր-բաբելական պետությունը, Լիդիան։ Ո՞րն էր Կյուրոսի քաղաքականությունը այս երկրների նկատմամբ։ Մի քանի փաստերից ելնելով՝ կարելի է խոսել ինչ-որ մեղմ քաղաքականության մասին՝ դուրսացված երևութական, ցուցադրական միջոցառումներով։ Նվաճված երկրների թագավորներից և ոչ մեկը չսպանվեց, ընդհակառակը, Կրեսոսը առժա-

32 Г. А. Капанцян, Chetto-Armeniac, Ереван, 1931.

33 Տե՛ս Ս. Երեմյան, Ն. Մանր և VII դարի հայոց «Աշխարհացույցը» (սն. Մանր և հայագիտության հարցերը, Երևան, 1968, էջ 82)։

34 Հ. Ղարաբաղյան, Արևելյան Հայաստանի ուրարտական տեղանունները, ՀՍՍՀ ԳԱ «Երևան» (հաս. գիտ.), 1978, № 10, էջ 65։

35 Ի. Դյակոնովի ենթադրությունը, թե Հայկական թագավորությունը կարող էր ստեղծվել ոչ թե Ուրարտուի տեղը, այլ նրա կողքին, այսպիսով, ոչ միայն չի հաստատվում (История Минди, էջ 354, ծան. 3), այլև հակասության մեջ է մտնում իր իսկ տեսակետների հետ։ Հետազոտում երկու սատրապությունների ստեղծումը թագավորության տարածքում գուցե և արտացոլում է Հայկական լեռնաշխարհում գոյություն ունեցող էթնիկական տարբերությունը, բայց չի բացառում մի երկրի գոյության փաստը Արմինա կամ Ուրաշտու հորջորդմամբ (И. М. Дьяконов, История Минди, էջ 354, ծան. 4)։

36 Г. Мелликишвили, Нагри-Урарту; Г. А. Капанцян, Хайаса—кюлы-белъ армян, էջ 175, 191, 208, 252։

մանակ մնաց գահի վրա, Աստիագեսին դահի վրա մնալու առաջարկ արվեց, Մարաստանում և Բաբելոնում թագավորությունը չվերացվեց, այլ Կյուրոսը իրեն հռչակեց Մարաստանի և Բաբելոնի թագավոր:

Սակայն շուտով ամեն ինչ իր տեղը գտավ և նվաճված այս երկրները վերածվեցին կայսրության մարզերի, որոնք ղեկավարվում էին Կյուրոսի նշանակած կառավարիչների կողմից:

Տարբեր էր Կյուրոսի քաղաքականությունը ավելի փոքր երկրների նկատմամբ: Այստեղ պահպանվեցին տեղական իշխանավորները՝ թեկուզ և որպես կայսրության վարչության ներկայացուցիչներ. օրինակ, Կիլիկիան, որտեղ պարսիկները չվերացրին թագավորին՝ Սիենեզիսին: Իրենց տեղում մնացին Փյունիկյան թագավորները, Կարիայի, Լիկիայի, Պափլագոնիայի իշխանավորները:

Եթե այս տեսանկյունից մոտենալու լինենք Հայաստանի պատմությանը Կյուրոսի օրոք, ապա այստեղ ևս շատ բան չպետք էր փոխվեր նախորդ՝ մարական ժամանակաշրջանի հետ համեմատած: Հիրավի, հայերը պետք է հարկ վճարեին համարյա թե նույն չափով, ինչ որ մարերի օրոք և զորքով մասնակցեին պատերազմներին:

Կյուրոսի և Տիգրանի ինչ-որ բարեկամության մասին (հայերը օգնել էին Կյուրոսին մարերի դեմ) հորենացու և Քսենոփոնի մոտ պահպանված իրարից անկախ որոշ տեղեկություններ նույնպես խոսում են այն բանի օգտին, որ Հայաստանի ստատուսում էական փոփոխություններ չէին կատարվել: Որոշ անարկներից երևում է, որ Կյուրոսի օրոք արքայազն Տիգրանը նույնիսկ թագավոր դարձավ: Միայն իշխանության վերջին տարիներին, մահից առաջ, Կյուրոսը որոշեց իր կրտսեր եղբորը՝ Բանառքսարեսին նշանակել Հայաստանի, Մարաստանի, կադուսիացիների սատրապ: Այս տեղեկությունը, որը պահպանվել է Քսենոփոնի «Կյուրոպեդիայում», վստահություն չի ներշնչում, քանի որ այլ աղբյուրների համաձայն Թանառքսարեսը միջինասիական մարզերի կառավարիչ էր նշանակված: Նույնիսկ եթե այս նշանակումը իրական համարենք³⁷, այն չի փոխում մեր պատկերացումները Հայաստանի տերիտորիայի մասին, որոնք բխում են վերևում շարադրված պատմական համառոտ ակնարկից և որոնց էությունը այն է, որ Հայաստանը շարունակում էր մնալ մ. թ. ա. VI դարի առաջին կեսի հայկական թագավորության սահմաններում:

Ահա մի քանի լրացուցիչ տեղեկություններ նշված ժամանակաշրջանի վերաբերյալ:

Հայկական լեռնաշխարհի հյուսիս-արևմուտքում հայերին շարունակում էին սահմանակից լինել խալդայները: Կյուրոսի կողմից նրանց հպատակեցման դրվագները բերված են «Կյուրոպեդիայում»: Ինչպես վերևում տեսանք, այդ իրադարձությունը կարող է ավելի վաղ ժամանակաշրջանում ու հայ թագավորների ձեռքով կատարված լինել:

Արևմուտքում Հայաստանի սահմանը դառնում է ավելի որոշակի: Փոքր Ասիայում կատարած նվաճումներից հետո Կյուրոսը կաղմակերպում է կապադովկիական սատրապությունը, որին միացվում է Հալիսի աղեղի մեջ մտնող

³⁷ Հայաստանի և Մարաստանի միջև ինչ-որ հատուկ կապի գոյության մասին են վկայում Բեհիսթունի արձանագրությունների տվյալները երկու երկրների ապստամբության համաձայնեցված ընույթի մասին:

տարածքը, որը, ինչպես տեսանք, Ի. Դյակոնովի կարծիքով, մինչ այդ կա՛մ մտնում էր հայկական թագավորության կազմի մեջ, կա՛մ որպես Մարաստանին հպատակ երկրամաս կառավարվում էր հայ թագավորների կողմից: Նոր սահմանը հասնում էր մինչև Հալիսի ակունքները, ապա խորանում էր դեպի հյուսիս, Փոքր Հայքի լեռները: Հակառակ ուղղությամբ սահմանն անցնում էր Հալիսի վերին հոսանքով դեպի հարավ-արևմուտք:

Հարավային սահմանը կապված է Բաբելի և էբեր Նարի (Աբար Նահարա) մարզային միավորի կազմավորման հետ: Բաբելոնի ու Ասորիքի տարածքն ընդգրկող այդ միավորի ստեղծողը Կյուրոսն էր:

Մ. թ. ա. 554—553 թթ. բաբելացիները դուրս մղեցին մարերին հառանից և ընդհանրապես Հյուսիսային Միջագետքից, որին նրանք տիրել էին 610—606 թթ. միջև, ասորեստանյան ժառանգության բաժանման ժամանակ³⁸ և պարձան Հալաստանին սահմանակից: 539 թ., երբ Կյուրոսը հպատակեցրեց բաբելացիներին, այս սահմանում նրանց փոխարինելու եկան պարսիկները, ավելի ճիշտ՝ այստեղ ձևավորվեց պարսկական Բաբելի ու էբեր Նարի մարզը, որի սահմանը Հայաստանի հետ, պետք է կարծել, հաստատվեց նույն Կաշշիա-րիի լեռների (Տուր Աբդին) կամ ծայրագույն դեպքում՝ արևմտյան Տիգրիսի վրա³⁹:

Հայաստանի հարավային սահմանի արևելյան հատվածը որոշել չենք կարող, քանի որ չգիտենք, թե ինչպես լուծվեց Ասորեստանի հարցը Կյուրոսի օրոք: Բեհիսթունի արձանագրության տվյալներից դատելով բուն Ասորեստանը⁴⁰, ինչպես ի միջի այլոց Մանան, շարունակում էին Մարաստանի մասը կազմել և բուն Ասորեստանը չմտավ Բաբելի և էբեր Նարի միավորի մեջ: Բացառված չէ նաև, որ Կյուրոսի օրոք, մի շարք հպատակեցված երկրների օրինակով (Լիդիա) Մարաստանը բաժանվեց երկու մասի՝ էկբատանայի շրջակայքը՝ մի կողմից և Վերին Մարաստանն ու Ասորեստանը՝ մյուս կողմից⁴¹: Նման պայմաններում Հայաստանի սահմանը մարերի հետ մնացել էր անփոփոխ: Այն անցնում էր Կորդվաց լեռներով, որոնք Հայաստանը բաժանում էին մարական Ասորեստանից և Ուրմիա լճի շրջանով, որը Հայաստանը բաժանում էր մարական Մատիանայից:

³⁸ Н. М. Дьяконов, История Мидии, էջ 356: Հյուսիսային Միջագետքում նշված ժամանակահատվածում մարերի առկայությունը հաստատվում է նոր բաբելական աղբյուրների օգնությամբ:

³⁹ Բեհիսթունի արձանագրության վկայությունը Իզալա երկրի տեղագրման մասին Ասորիքում, հառանից հյուսիս՝ Մասիուսի լեռներում կամ նրանցից հարավ, կարծես ավելի հավանական է դարձնում հարավային սահմանի մասին եղած առաջին վարկածը (հմտ. Н. М. Дьяконов, История Мидии, էջ 315):

⁴⁰ Արրելայում Դարեհը ցից հանել տվեց սաղարտիացիների ապստամբ ղեկավարին, որն իրեն հռչակել էր մարական թագավորության տան շահավիդ: Այստեղից այն հետևությունն է արվում, որ Արրելայի շրջապատը, այսինքն Ասորեստանը, մարական ուլտք է համարվի (Н. М. Дьяконов, նշվ. աշխ., էջ 339, 340, 438, 439): Դարեհը սովորություն ուներ ապստամբ ղեկավարներին մահապատժի ենթարկել այն երկրում, որտեղ նրանք ապստամբել էին: Քանի որ սաղարտիացիների առաջնորդ Ջիտրանտախման իրեն մար հռչակելով նահատակվել էր Արրելայում, վերջինիս շրջապատը մարական է համարվում:

⁴¹ O. Leuze, Die Satrapieneinteilung in Syrien und im Zweistromlande von 530—320, Halle, 1935. E. d. Meyer, Geschichte des Altertums, B. III, § 29, 89.

Հյուսիս-արևելքում և արևելքում սահմանը ամենայն հավանականությամբ անփոփոխ էր մնացել ու ընթանում էր Կուր գետով:

Մենք չգիտենք, թե մարերը արդյոք քաղաքական դիրքեր ապահովե՞լ էին բուն Անդրկովկասում, Կուրից դեպի արևելք: Ինչպես տեսանք, Կուրի աջակողմյան տարածքում սկյութական թագավորության գոյության մասին Ի. Դյակոնովի ենթադրությունը այնքան էլ վստահություն չի ներշնչում, ուստի սկյութների վրա իրենց դերիշխանությունը հաստատած մարերի առկայությունը Անդրկովկասում ավելի դեպքում կասկածելի է թվում: Բայց Մարաստանի գերիշխանությունն էր ճանաչում հայկական թագավորությունը և նրա հյուսիսային մասերում է, որ մարերը հանդիպում են կոլիսերին ու սասպերներին:

Կյուրոսին հաջողվեց ընդլայնել արեմենյան Իրանի աղդեցության ոլորտը Անդրկովկասում ի հաշիվ կասպիական ափի, որտեղ ապրում էին կասպերը, այդ թվում հավանաբար և աղվաններն ու կադուսիացիները: Սրանով հիմք չկազմեց ապագա 11-րդ սատրապությանը:

Այսպիսով տեսնում ենք, որ նույնիսկ Դարեհի կողմից Հայաստանի վերջնական հպտակեցման նախօրեին, էլ չենք խոսում նախորդ տարիների մասին, հատկապես Կյուրոսի օրոք, Հայաստանը մի փոքր միավոր չէր, որն իր մեջ ընդգրկեր միայն Աղձնիք ու Կորճայք նահանգները և նրանց հարևան շրջանները, ինչպես կարծում էին Լեոն ու Հ. Մանանդյանը, այլ մի ընդարձակ երկիր, որը կարող էր համարվել համարվել Ուրարտուին⁴²: Այդ երկրից է, որ կազմվեցին արեմենյան 13-րդ և 18-րդ սատրապությունները:

ТЕРРИТОРИЯ ЕРУАНДИДСКОЙ АРМЕНИИ (VI в. до н. э.)

Кандидат историч. наук Г. А. ТИРАЦЯН

(Резюме)

После падения Урартского государства в начале VI в. до н. э. на территории Армянского нагорья образовалось армянское царство Еруандидов, просуществовавшее до II в. до н. э. В статье рассматриваются территория первого Еруандидского царства, границы Армении при Кире, Камбизе и в первые годы царствования Дария, обсуждаются вопросы исторической географии древней Армении.

⁴² Հ. Ժամկոչյան, Հայաստանը նախնադարյան համայնական հասարակության և ստրկատիրության շրջանում: Երևան, 1961, էջ 144: